

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
Z E N I C A
POLICIJSKA UPRAVA II
POLICIJSKA STANICA KAKANJ



Datum: 15. 03. 2017. godine

***INFORMACIJA
o stanju sigurnosti na području Policijske stanice Kakanj za 2016. godinu***

I. UVOD

Informacija o stanju sigurnosti na području PS Kakanj za 2016. godinu, koje je u direktnoj vezi sa radom Policijske stanice Kakanj, se bazira na statističkim pokazateljima, sveukupnim aktivnostima policijskih službenika.

Pri izvršavanju poslova i zadatka naročita pažnja je posvećena zakonitom radu, primjeni policijskih ovlaštenja, profesionalnom odnosu policije prema građanima, uz poštivanje domaćih i međunarodnih standarda i propisa o ljudskim pravima.

Policijska stanica Kakanj je, u okvirima utvrđenim zakonom i drugim propisima, izvršavala poslove i zadatke na zaštiti lične i imovinske sigurnosti građana, održavanju javnog reda i mira, sprječavanju i otkrivanju krivičnih dijela, njihovom rasvjetljavanju te kontroli i regulisanju saobraćaja.

Rad Policijske stanice Kakanj se odvijao u skladu sa ovlaštenjima propisanim zakonima i podzakonskim aktima iz djelokруга nadležnosti policije (Zakonom o unutrašnjim poslovima ZDK, Zakonom o policijskim službenicima ZDK, Zakonom o Javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH, Zakonom o krivičnom postupku BiH i FBiH, Krivičnom Zakonu BiH i FBiH, Zakonom o nabavljanju, držanju i nošenju oružja i municije ZDK te Pravilnikom o unutrašnjoj organizaciji MUP-a Zeničko-dobojskog kantona, Pravilnikom o upotrebi sile i drugim zakonskim i podzakonskim aktima).

Cjelokupna aktivnost Policijske stanice Kakanj se odvijala u koordinaciji i saradnji sa drugim nadležnim institucijama i organima, prije svega Ministarstvom unutrašnjih poslova Zeničko-dobojskog kantona, Federalnom upravom policije, Kantonalnim tužilaštvom Zeničko-dobojskog kantona, inspekcijskim organima federalnog, kantonalnog i općinskog nivoa, sudovima, centrima za socijalni rad i drugim organima i institucijama.

U uvodnom dijelu informacije o stanju sigurnosti na području općine Kakanj potrebno je navesti niz geografskih, socijalnih, ekonomskih i drugih faktora koji na direktni ili indirektni način utiču na stanje sigurnosti.

Općina Kakanj se, za naše uslove, nalazi između dva velika gradska centra i to između Sarajeva i Zenice, a direktno graniči sa općinama Vareš, Visoko, Busovača, Zenica i Zavidovići. Prostire se na površini od 472 km². Prema posljednjem popisu stanovništva na području općine Kakanj živi 38 937 osoba i stanovništvo je mješovitog nacionalnog sastava.

Općina Kakanj važi i ubraja se među privredno razvijenije općine u našoj državi i na njenom području se nalazi veliki broj privrednih, industrijskih, komunikacijskih, infrastrukturnih i drugih važnijih objekata. Općinom Kakanj se prostiru i povezuju je sa drugim općinama željeznička pruga, autoput, kraći dio magistralnog puta, regionalni putevi i veliki broj lokalnih puteva. Na području općine egzistira **6** osnovnih i **3** srednje škole.

Uže gradsko područje karakteriše veliki broj ugostiteljskih objekata, trgovачkih radnji, banaka, sportskih kladionica i lutrija te drugih zanatskih radnji. Područje općine Kakanj je bogato prirodnim resursima gdje je potrebno istaknuti šumu i rudno bogastvo, ugalj. Također, je neophodno navesti veliki broj vjerskih objekata među kojima se izdvajaju i imaju posebnu historijsku i kulturnu vrijednost Franjevački samostan i džamija u Kraljevoj Sutjesci.

2. KRIMINALITET

U 2016. godini Policijskoj stanici Kakanj je prijavljeno **268** krivičnih djela, od čega su **104** po poznatom izvršiocu, dok je preostalih **164** krivičnih djela po nepoznatom izvršiocu. Preduzetim mjerama i radnjama službenika PS Kakanj od **164** krivičnih djela prijavljenih po napoznatom izvršiocu **112** krivičnih djela je rasvijetljeno i identifikovani su izvršioci. Procentualno predstavljeno procenat otkrivenosti prijavljenih krivičnih djela po nepoznatom izvršiocu je **68,29%**, dok je ukupan procenat otkrivenosti **80,59%**.


Za prijavljena krivična djela Policijska stanica Kakanj je nadležnim tužilaštвима (Kantonalno tužilaštvo Zeničko-dobojskog kantona i Tužilaštvo Bosne i Hercegovine) podnijela **253** izvještaja. Zbog postojanja osnova sumnje da su počinili krivična djela, propisana zakonima BiH, Federacije BiH i Kantona, prijavljeno je **292** lica od čega je **126** povratnika u vršenju krivičnih djela, a prijavljeno je i **15** maloljetnika.

Informacija o stanju sigurnosti na području Policijske stanice Kakanj za 2016.godinu


(tabelarni prikaz)- **tabela 1**

PERIOD	2016.	2015.	2014
Ukupno krivičnih djela	268	320	320
Podneseno izvještaja	253	307	308
KD po poznatom (izraziti i u %)	104 (38,81 %)	83 (25 %)	110 (34,37 %)
KD po nepoznatom (izraziti i u %)	164 (61,19 %)	239 (75 %)	210 (65,63%)
Naknadno rasvjetljeno KD po nepoznatom (izraziti i u %)	112 (68,29%)	150 (62,76 %)	127 (60,47%)
Ukupna otkrivenost (izraziti u %)	216 (80,59%)	231 (72 %)	237 (74 %)
Ukupno prijavljeno lica	292	323	296
Prijavljeno maloljetnika	15	57	19
Prijavljeno povratnika	126	109	115

Grafički prikaz krivičnih djela za period 2016-2014 godina




Grafički prikaz rasvjetljenosti krivičnih djela za period 2016-2014 godina



Upoređujući broj prijavljenih krivičnih djela u 2016. godini sa brojem prijavljenih krivičnih djela u 2015. godini može se konstatovati da je broj krivičnih djela manji za 52 krivična djela

Analizom krivičnih djela po vrsti i težini može se konstatovati da su najbrojnija krivična djela protiv imovine, gdje je evidentirano **165** krivičnih djela ove vrste.

-Grafički prikaz strukture krivičnih dijela za 2016.godinu (prikazana procentualna zastupljenost pojedinih krivičnih djela)



Konkretizujući aktivnosti, službenici PS Kakanj su radeći po kriminalitetu u 2016. godini saslušali i ispitali **1267** osoba, izvršili **41** pretres stanova, objekata i drugih prostora, oduzeto je **304** predmeta koji potiču iz krivičnih djela, predmeta kojima je krivično djelo izvršeno, odnosno koji se mogu koristiti kao dokaz u krivičnom postupku. Izvršeno je **223** uviđaja prilikom kojih je pronađeno i fiksirano **1186** tragova.

U 2016. godini je izvršeno **jedno** krivično djelo teške krađe putničkog motornog vozila dok je u 2015. godini prijavljeno i izvršeno **pet** krivičnih djela teške krađe putničkih motornih vozila.

Tokom 2016. godine Policijska stanica Kakanj je preduzimala potrebne mjere i radnje u cilju dokumentovanja krivičnih djela iz oblasti zloupotrebe opojnih droga (projekat 1.A.7.) te su postignuti sljedeći rezultati rada:

- ukupno zapljena - 34,
- ukupna količina zapljenjene opojne droge "marihuane" - 220,69 grama,
- ukupna količina zapljenjene opojne droge "speed" - 10,04 grama,
- ukupna količina zapljenjenih tableta - 83 komada,
- ukupan broj pronađenih stabljika "indijske konoplje" - 13 komada,
- ukupno podneseno izvještaja - 19 (po članu 238. KZ F BiH - 4, po članu 239. KZ F BiH - 15).

U izvještajnom periodu od strane policijskih službenika PS Kakanj, u saradnji sa policijskim službenicima Specijalne policijske jedinice MUP-a ZE-DO kantona, vršene su pojačane mjere i radnje na kontroli lica i vozila u ugostiteljskim objektima, sportskim kladionicama i drugim objektima, a zabilježeni su sljedeći rezultati:

- ukupno zapljena opojne droge - 9,
- ukupna količina zapljenjene opojne droge "marihuane" - 2,50 grama (dio pronađene materije koja asocira na opojnu drogu "marihanu" nije izvagan, obzirom da još uvjek nije pristiglo odobrenje kantonalnog tužilaštva),
- ukupna količina zapljenjene opojne droge "speed" - 0,50 grama,

- Akcija "Ugalj"

- U 2016. godini, policijski službenici PS Kakanj su u sklopu zavedene akcije "Ugalj" te sačinjenog plana preduzimali mjere i radnje na sprječavanju otuđenja uglja koji se iskopava u nelegalnim jamama na području općine Kakanj. U navedenom vremenskom periodu policijski službenici su, vršeći kontrolu saobraćaja sa akcentom na zavedenu akciju, kontrolisali ukupno 30 vozila i vozača od kojih je oduzet ugalj u ukupnoj količini od 103 051 kg uglja koji je odmah vraćen vlasniku ZD RMU Kakanj, a protiv 30 lica, KT Zenica podnešeni su izvještaji o počinjenom krivičnom djelu.

-Akcija "Šuma"

- Tokom 2016. godine od strane policijskih službenika PS Kakanj nastavljene su aktivnosti na sprječavanju krađe i nelegalne eksploatacije drvne mase i drvnih sortimenata te su tom prilikom u saradnji sa predstvincima ŠPD-a i KUŠ-a Kakanj postignuti sljedeći rezultati:
- **29** kontrolisanih motornih vozila koja su zatečena da transportuju drvne sortimente bez odgovarajuće dokumentacije,
- **39,14 m³** oduzeto drvne mase,
- **1** vozilo privremeno oduzeto koje je korišteno za prijevoz drvnih sortimenata, a po osnovu neplaćenih novčanih kazni o počinjenim prekršajima vozača,
- **2** izvještaja podnesena Kantonalnom tužilaštvu Zenica o počinjenom krivičnom djelu "šumska krađa",
- **2** lica prijavljena za izvršenje krivičnog djela šumske krađe.

3. JAVNI RED I MIR

U cilju obezbjedenja povoljne bezbjednosne situacije na području općine Kakanj službenici PS radili su na poslovima propisanim Zakonom o policijskim službenicima ZE-DO kantona, radi zaštite života, lične i imovinske sigurnosti građana, održavanju javnog reda i mira, te obezbjedivanju javnih skupova i drugih manifestacija, Zakonom o nabavljanju, držanju i nošenju oružja i municije kao i drugim poslovima koji se odnose na ovu oblast, gdje je tom prilikom PS Kakanj podnijela ukupno **146** zahtjeva za pokretanje prekršajnog postupka i **49** prekršajnih naloga za **195** prekršaja narušavanja JRiM-a. Od toga JRiM je narušen u ug. objektima u **4** slučaja, na ulicama i drugim otvorenim prostorima **166**, u školama i školskim dvorištima **12**, na sportskom stadionu **1** slučaju, sportska kladionica **2** slučaja, trgovine **1** slučaj i ostala mjesta u **9** slučajeva. Posljedice ovih prekršaja su lakše tjelesne povrede kod **50** lica.

Ukupno prijavljeno **242** počinjoca prekršaja, od toga **84** povratnika u činjenju prekršaja.

Pored navedenih aktivnosti službenici PS Kakanj su podnijeli **16** zahtjeva za pokretanje prekršajnog postupka po Zakonu o nabavljanju, držanju, nošenju oružja i municije u ZE-DO kantonu.

Napominjemo da nije bilo registrovanih slučajeva narušavanja JRiM-a u većem obimu, koji bi po svom karakteru mogli ugroziti povoljno stanje u oblasti JRiM-a. U 2016. godini na području ove Policijske stanice održano je ukupno **152** javna skupa različitog karaktera (vjerskog, sportskog, kulturnog, zabavnog i sl.) gdje je bilo ukupno prisutno oko 50.000 građana. Svi javni skupovi su obezbjedeni od strane policijskih službenika ove PS-e, tako da su isti održani u povoljnoj bezbjednosnoj situaciji

Pored navedenih aktivnosti policijski službenici ove PS su u periodu od 02.09 do 30.09.2016. godine obezbjedili 82 predizborna skupa. Na navedenim skupovima prisustvovalo je oko 15 200 simpatizera određenih političkih stranki i nezavisnih kandidata i svi skupovi su protekli bezbjedno, bez incidentnih situacija. Na sam dan izbora policijski službenici

Informacija o stanju sigurnosti na području Policijske stanice Kakanj za 2016.godinu


Policijske stanice Kakanj su obezbjedili biračka mjesta i to njih 58, kao i transport biračkog materijala što je također proteklo bez incidentnih situacija.

Struktura prekršaja po javnom redu i miru period 2016-2014.godina (tabelarni prikaz) -tabela 2

	PERIOD	2016.	2015.	2014
1.	Ukupan broj prekršaja (2+3)	195	156	183
2.	Prekršaji po Zakonu o JRM-u (a,b,c,d,e,f,g,)	185	152	179
a).	Svađa, vika, galama, nepristojno ponašanje	34	11	17
b).	Tuča, fizički napad	46	52	73
c).	Naročito drsko ponašanje	47	54	41
d).	Odbij.nared.i omalovažavanje polici. službenika	11	3	15
e)	Neovlaštena upotreba oružja	-	5	2
f).	Prosjačenje	34	3	9
g).	Ostali prekršaji prema Zakonu o javnom redu i miru	13	24	24
3.	Prekršaji prema Općinskoj odluci o JRM-u	10	4	4
4.	Broj izdatih prekršajnih naloga	49	63	16
5.	Broj podnesenih zahtjeva za pokretanje prekršajnog postupka	146	93	167

Analizom strukture počinjenih prekršaja u 2016. godini sa uporednim podacima iz 2015. i 2014. godine, može se zaključiti da su najčešći oblici narušavanja JRiM tuča i fizički napad, naročito drsko ponašanje, prosjačenje, svađa, vika, galama, nepristojno ponašanje itd.

- Grafički prikaz strukture prekršaja za period 2016-2014. godina



4. SAOBRACAJ

U izvještajnom periodu službenici PS Kakanj su ukupno kontrolisali **12219** vozila i **5355** lica u vozilima. Izdato je **9408** prekršajnih naloga od strane saobraćajnih patrola, od čega je **1887** prekršajnih naloga registrovano mobilnom radarom Traffipatrol XRD i **35** zahtjeva za pokretanje prekršajnog postupka. Broj vozača koji su upravljali motornim vozilom **pod uticajem alkohola 737, bez položenog vozačkog ispita 244, bez važeće registracije vozila 402, tehnički neispravnim vozilom 115.**


U izvještajnom periodu na području PS Kakanj dogodilo se **489** saobraćajnih nezgoda, od kojih na autoputu A1-**56**, magistralnom putu **2**, regionalnim putevima **130**, lokalnim putevima **70**, ulicama **188** i ostalim mjestima **43** saobraćajne nezgode.

Najčešći uzrok navedenih nezgoda su neprilagođenost brzine uslovima i stanju puta, uslijed uticaja alkohola i nepropisnog preticanja. U izvještajnom periodu dogodile su se **423** saobraćajne nezgode sa materijalnom štetom i **66** saobraćajnih nezgoda sa povrijedenim licima. U navedenim nezgodama **66** lica je zadobilo lakše, a **18** lica teže tjelesne povrede, od kojih je jedno lice naknadno preminulo.


(tabelarni prikaz) -tabela 3

PERIOD		2016.	2015.	2014
Ukupan broj saobraćajnih nezgoda		489	423	447
Broj poginulih lica		-	1	-
Povrijed. lica	Teže	18	16	10
	lakše	66	66	41
Broj kontrolisanih vozila		12219	13518	12540
Broj kontrolisanih putnika		5355	6934	3351
Broj KD iz bezbjednosti saobraćaja		11	7	14
Broj zahtjeva za pokretanje PP-a		35	29	142
Broj izdatih prekršajnih naloga		7521	7031	5728
Broj izdatih prekršajnih naloga po mobilnom radaru XRD		1887	521	1398
Isključeno vozila zbog teh. neispravnosti		115	34	14
Zatečeno vozača pod dejstvom alkohola		737	571	264
Zatečeno vozača bez pol. voz. ispita		244	219	202
Zetečeno vozila bez važeće registracije		402	382	310

- Grafički prikaz broja saobraćajnih nezgoda i težih prekršaja iz oblasti bezbjednosti saobraćaja. Period 2016-2014.godina



- Grafički prikaz broja izdatih prekršajnih naloga za period 2016-2014. godina



U saradnji sa Policijskim inspektoratom MUP-a ZE-DO kantona organizovano je **60** akcija pojačane kontrole učesnika u saobraćaju sa posebnim akcentom na: prisustvo alkohola u organizmu vozača, kontrola važnosti registracije motornih i priključnih vozila, nepropisno preticanje i brzina kretanja motornih vozila, tehnička ispravnost motornih vozila, kontrola posjedovanja i korištenja zimske opreme, korištenje mobilnog telefona i sigurnosnog pojasa, kontrola vozila sa inostranim registarskim oznakama, korištenje odgovorajuće kacige, mirujući saobraćaj i dr.

Provodenjem Zakona o osnovama bezbjednosti saobraćaja na putevima u BiH kao i Općinske odluke o organizaciji i sigurnosti saobraćaja na putevima po zavedenim akcijama "Mirujući saobraćaj-nepropisno zaustavljanje i parkiranje vozila" izdato je 1115 prekršajnih naloga.

U 2016. godini korištenjem savremenog uređaja AlcoQuant 6020 alkotestirano je 2225 lica te je zbog utvrđenog alkohola u organizmu iz daljeg saobraćaja isključeno **737** vozača.

Policijski službenici su prilikom kontrole i regulisanja saobraćaja vršili pregledе u skladu sa članom 25. Zakona o policijskim službenicima ZE-DO kantona kada su za to postojali opravdani bezbjednosni razlozi te su tom prilikom oduzimali predmete koji su zabranjeni za nošenje i držanje u skladu sa Zakonom o nabavljanju držanju i nošenju oružja i municije ZE-DO kantona, a koji su pogodni za nanošenje tjelesnih povreda .

Kroz redovno izvršavanje poslova i zadataka kontrole i regulisanja saobraćaja, policijski službenici Policijske stanice Kakanj su evidentirali sve uočene nedostatke na putevima koje se odnose na nedostatak horizontalne i vertikalne signalizacije, postojanja udarnih rupa i drugo te o uočenim nedostacima dostavljali informacije nadležnim institucijama radi blagovremenog otklanjanja uočenih nedostataka.

Službenici Policijske stanice Kakanj kroz svoj rad prate provođenje osnovnih principa međusobnih odnosa i ponašanja učesnika u saobraćaju i drugih subjekata u saobraćaju, prate osnovne uvjete koje moraju zadovoljiti putevi u pogledu sigurnosti saobraćaja na putevima. Takođe nadziru organizaciju i trajno kontrolisanje stanja i održavanja javnih puteva, objekata, saobraćajne signalizacije i opreme na putevima radi sigurnog i nesmetanog odvijanja saobraćaja što provode preduzeća, javne službe i drugi organi koji se brinu o putevima i održavanja istih.

U toku 2016. godine oduzeto je 17 putničkih vozila od lica koja su zatečena da upravljaju navedenim vozilima, a isti u registru novčanih kazni imaju veliki iznos neplaćenih kazni i stalni su povratnici u činjenju prekršaja iz oblasti saobraćaja.

5. RAD POLICIJE U ZAJEDNICI

U okviru implementacije realizacije projekta "Rad policije u zajednici" PS Kakanj je u 2016. godini održala dva (2) sastanka Foruma o bezbjednosti građana općine Kakanj, na kojima su se riješili bitni problemi vezani za bezbjednosnu situaciju na području koje pokriva ova PS-a. Trenutno 15 predstavnika lokalne zajednice učestvuje u radu Foruma o bezbjednosti građana.

- Tokom 2016. godine održan je jedan Forum građana povratnika ZE-DO kantona
- U okviru koncepta "Dani otvorenih vrata" ova PS u 2016. godini je organizovala trinaest (13) posjeta, kojom prilikom su posjetitelji imali priliku da pogledaju prostorije PS Kakanj, a zatim su održani sastanci i predavanja.
- U 2016. godini RPZ policajci su prisutvovali na 164 sastanka, okrugla stola, seminara koje su organizovali predstavnici lokalne zajednice, građani, udruženja građana i dr.
- RPZ policajci i drugi policijski službenici u okviru projekta "Policajac u školi" vrše redovne obilaske prostora oko školskih objekata, uspostavljaju se kontakti i saradnja sa nastavnim i rukovodnim osobljem osnovnih i srednjih škola, učeničkom populacijom s ciljem razmjene informacija, prepoznavanja, identifikacije i rješavanja bezbjednosnih problema, koji opterećuju sigurnost u i oko školskih objekata, kao i na putu od kuće do škole. U saradnji sa pedagozima škola aktivno se uključujemo u edukativne razgovore i predavanja učenicima koji su do sada pokazali neprilagođeni oblik ponašanja i kojima je smanjeno vladanje od strane nastavničkog vijeća zbog nepoštivanja kodeksa ponašanja i neopravdanih izostanaka sa nastave. Održavaju se predavanja i edukativne radionice za učenike i roditelje, organizuju se promotivne kampanje na teme bezbjednost učenika u školama, prevencija vršnjačkog nasilja, maloljetnička delikvencija, zloupotreba opojnih sredstava i sl.

6. ZAKLJUČAK

Kako se može vidjeti iz prezentirane analize, sigurnosnu situaciju u 2016. godini, u poređenju sa prethodnom godinom karakteriše sljedeće:

U oblasti kriminaliteta broj krivičnih dijela je manji za 52 krivična djela ili 16,25%, ukupna rasvjetljenost je veća za 8 %, rasvjetljenost krivičnih dijela po nepoznatom izvršiocu je veća za 5,53 %.

Također tokom 2016. godine na području naše općine nije bilo izvršenih najtežih oblika krivičnih djela kao što su ubistva, teški oblici razbojništva, razbojničke krađe, silovanja i drugih sličnih krivičnih djela sa najtežim posljedicama, koja bitno utiču na stanje sigurnosti i izazivaju naročitu pažnju i uzinemirenje javnosti.

U oblasti javnog reda i mira broj prekršaja je veći za **39** prekršaja, a razlog povećanja je uglavnom pojačana represivna aktivnost policijskih službenika na prosesuiranju vrlo čestog i svakodnevnog oblika narušavanja javnog reda i mira, a to je prosjačenje. Posljedice prekršaja protiv javnog reda i mira su lakše tjelesne povrede kod **50** lica.

U oblasti bezbjednosti saobraćaja stalnim prisustvom saobraćajnih patrola na važnijim raskrsnicama, putevima u blizini škola i drugim mjestima policijski službenici su preventivno djelovali na potencijalne prekršioce saobraćajnih propisa. Uz navedeno pojačane su i represivne mjere na sankcionisanju prekršaja koji su identifikovani kao najčešći uzročnici saobraćajnih nezgoda. Broj saobraćajnih nezgoda u toku 2016. godine je veći za **66** saobraćajnih nezgoda od kojih je najveći broj sa manjom, neznatnom materijalnom štetom, broj teže povrijeđenih lica je veći za dva lica, s tim da je jedno lice od zadobijenih povreda naknadno preminulo. Broj lakše povrijeđenih lica je 66, kao i u prethodnoj 2015. godini.

Policija je u svim segmentima i slučajevima ugrožavanja sigurnosne situacije, u skladu sa svojim zakonskim ovlaštenjima, reagovala brzo i efikasno angažujući potrebne policijske snage i tehničke resurse.

Na osnovu svega navedenog, sigurnosna situacija tokom 2016. godine se može ocijeniti zadovoljavajućom.

Obzirom na aktivnosti koje provodi MUP-a Zeničko-dobojskog kantona, na popunjavanju nedostajućeg broja policijskih službenika, na poboljšanju materijalno-tehničke opremljenosti PS-e Kakanj, gdje značajan doprinos daju i općinski organi vlasti (instaliranje sistema video nadzora, nabavka savremenog prenosivog mobilnog radarskog uređaja za mjerjenje i registraciju brzine, alkometara), određenim zakonskim promjenama, u narednom periodu možemo očekivati da se stanje sigurnosti dodatno poboljša.

KOMANDIR
Samostalni inspektor
Topalović Vahidin